

He āwhina i a koe ki te pōti i tēnei pōtitanga

- E whakarārangihia ana ngā kaitono i te pepa pōti i raro i te pōtitanga e tū ana rātau.
- Kua waaheretia ā-tae te pepa pōti me tēnei pukapuka kāhua hei āwhina i a koe ki te hono i te pōtitanga me ngā kāhua kaitono.
- Kei roto pea i tēnei pukapuka ētahi atu pōtitanga kāore i te hāngai ki a koe.

Ka tuku whakatau ngā kaitono angitu e pā ana ki a tātou katoa i ia rā. Ka kite pea koe i ēnei tūrangā katoa, i ētahi rānei i runga i tō pepa pōti:

- **Ko te Koromatua** te kaiārahi i te Kaunihera Tāonenui, Kaunihera ā-Takiwā rānei.
- Ka whakarato te **Kaunihera Tāonenui, te Kaunihera ā-Takiwā rānei** i ngā momo ratonga me ngā whakaurunga paetata whānui ki ngā hapori. Ka tuku whakatau ngā Kaunihera hei whakapai ake i te oranga hapori, tae atu ki ngā hanganga matua (hei taura, te ratonga wai, pūnaha parakaingaki, rori) ngā ture ā-rohe, whakaurunga whakangahau, ngā pāka, ngā take whakamahere, waihanga hoki. Ka pōtihia pea te Kaunihera whānui, ka whakawehea rānei ki ngā rohe pōti (tae atu ki ngā rohe pōti auraki, Māori rānei).
- Kei te **Kaunihera ā-Rohe** ngā whakatau mō ngā mahi e tika ana kia whakahaere ā-rohetia pērā i te whakahaere rawa taiao (hei taura, te mauri o te wai, te tohatoha i te wai, te whenua me te oneone, ngā mahere takutai, te patu tarutaru me ngā kīrearea) te tūnuku ā-rohe, me te whakahaere whakamaru ohotata. Ka whakahaerehia e ngā Kaunihera Whakatōpū ngā mahinga a ngā Kaunihera Tāonenui, ā-Takiwā rānei me ngā Kaunihera ā-Rohe. Ka whakawehea te kaunihera ā-rohe ki ngā rohe pōti (auraki, Māori rānei).
- Ko tā **te Poari Hapori** he ārahi ki te whakamana i ngā hapori paetata me te tuku whakatau-pea mō ngā take ā-rohe, me te tuku tohutohu pēhea rānei te whakapau a te Kaunihera i ngā pūtea ki ngā ratonga ā-rohe. Ka whakawehea pea ngā Poari Hapori ki ngā wawaetanga.
- Ko te mahi a te **Tarahiti Tuku Raihana** he hoko tika i te waipiro i roto i te rohe tarahiti me te whakarite me pēhea te whakahoki i ngā toenga monihua ki te hapori. Ka tautoko ngā Tarahiti Hapori me ētahi atu Tarahiti i ngā mahi ohaoha. Ka whakawehea pea ngā Tarahiti Tuku Raihana ki ngā rohe pōti.
- Tērā pea **he Pōti, Pōtitake rānei** kei runga i tō pepa pōti. Ka āwhina tō pōti i roto i tēnei i te Kaunihera ki te tuku whakatau mō te take e whakaaroarohia ana.

Ngā rā matua mō tēnei pōtitanga



Pōhitia

tō pepa pōti takitahi ki roto i te kōpaki utukore i mua tonu i te **Tūrei, te 4 o Whiringa-ā-nuku 2022**

TĒRĀ RĀNEI

haria ki te wāhitau i runga i te pepa pōti kia tae atu ki te Kaiwhakahaere Pōti i mua i te **katinga o ngā pōti**



Ka kati ngā pōti

ā te 12 i te rā-tū, Rāhoroi, 8 o Whiringa-ā-nuku 2022



Kei te hiahia āwhina anō? Ka taea e koe te tono ki tētahi atu ki te āwhina i a koe ki te māka i te pepa mēnā kāore i te pai tō kite, he uaua rānei ki a koe te pānui, te tuhi, te kōrero Ingarihi rānei. Mēnā kāore koe i te tino mārama me aha koe, kua tuhi hapa rānei e kore e taea te whakatika kia mārama, whakapā atu ki te kaiwhakahaere pōti mā te nama i runga i te pepa pōti.